



Unioni de is Comunas de is Fenècius

Comuni di Palmas Arborea – Siamaggiore – Solarussa - Santa Giusta – Villaurbana

Loc. Gutturu Olias, 09090 Palmas Arborea (OR) - Tel. 0783.25.52.14

info@unionecomunifenici.it – www.unionecomunifenici.it

DELÌBERA DE SA GIUNTA DE S'UNIONI

N° 40 De su 30/07/2020

Ogetu: PRÒROGA CUNTZESSIONI LOCALIS A S'ASSÒTZIU SALVO D'ACQUISTO

S'annu 2020, su trinta de su mesi de argiolas in sa sea de su Comunu de Santa Justa, inui sunt presentis su Presidenti e is assessoris Tendas e Pisu Massa, in videocunferèntzia comentis in s'art. 73 del DL n° 18/2020, s'assessori Scala, cun inghitzu a is 18:00, cunvocada a manera regulari cun avisus scritus, s'est atobiada sa Giunta de s'Unioni de is Comunas de is Fenècius.

Arresultant presentis:

Sanguanu e nòmini	Comunu	Tìtulu	Presentis	Ausentis
FIGUS ANTONELLO	Santa Justa	Presidenti	X	
PISU MASSA ANDREA	Prammas	Vice Presidenti	X	
SCALA MARIA BONARIA	Siamajore	Cumponenti	X	
Bi	Biddobrana	cumponenti		X
TENDAS GIAN MARIO	Sabarussa	cumponenti	X	
		In totu	4	1

Presidit su Sig. FIGUS ANTONELLO, in calidadi de Presidenti de s'Unioni.

Pigat parti a sa setziada in videocunferèntzia su Segretàriu Dotori CARIA PIETRO.

Su Presidenti, averiguau su nùmeru legali, deccarat aberta sa setziada po fueddai de sa chistioni inditada asuba.

SA GIUNTA DE S'UNIONI

Premìtiu ca intrat in is punnas de is Entis Localis prumovi sa nàscida e sa durada de assòtzius chi cuncordint fainas in is biddas e fatzant òperas de voluntariau po sodigai s'interessu pùblicu sena punnas de guadàngiu in su setori sotziali, sportivu, culturali, artìsticu, stòricu, ambientali e in àterus setoris de interessu mannu po sa comunidadi locali.

Cunfirmau ca in su patrimoniu immobiliari de s'Unioni de is Comunas de is Fenècius ddu at spàtzius e fàbricus chi non sunt imperaus po fainas istituzionalis e chi si podint pònniri a dispositzioni de custus assòtzius.

Arremonada sa delibera precedenti n. 20 de su 04/05/2020 chi disponnit sa cuntzessioni temporànea de is localis a s'assòtziu Salvo d'Acquisto, a segus de istàntzia formali prot. n. 755 de su 28.04.2020, chi pertocat s'imperu interinu de unu aposentu cun is servìtzius aunius e chi s'agatat in su pianu bàsciu de sa sea de s'Unioni de destinai a sea operativa de sa "Divisione Soccorso" de su matessi assòtziu.

Cunsiderau ca sa "Divisione Soccorso" de s'assòtziu nomonada asuba est ancora abetendi sa cuntzessioni de unu locali de s'ATS Sardìnnia.

Retènniu ca s'assòtziu fait atividadis sena punnas de guadàngiu e de interessu pùblicu po totu su territòriu de s'Unioni, e duncas custa amministratzioni bolut giai is ispàtzius domandaus, a indonu po una simana de tres mesis chi si podit allonghiai si serbit, cun unu àutu afatanti.

Cunsiderau ca sa cuntzessioni est scadida su 4 de austu 2020.

Pigada a cunsideru s'oportunadadi de prorogai sa cuntzessioni po àterus 3 mesis, cunfirmendi ca sa matessi at a pòdiri acabbai primu si s'assòtziu at a otènniri àterus spàtzius de s'ATS.

Retènniu de dèpiri pretzisai ca:

- Essendi una cuntzessioni temporànea is gastus de is impitus abarrant a càrrigu de s'Unioni, mentras is ispesas de pulitzia sunt a càrrigu de s'assòtziu;
- Su cuntzessionàriu est responsàbili de su càstiu de is localis e de su mantenimentu de is ispàtzius e de sa mobillia in cunditionis limpias e seguras;
- is localis podint èssiri imperaus feti po is punnas prevididas in su statutu de sa Divisione Soccorso de s'assòtziu Salvo d'Acquisto e dae is sòtzius o collaboradoris suos, est proibida s'intrada e stràngius o personas no autorizadas;
- s'assòtziu depit comunicai ònnia modifica de is ispàtzius e si atacat aparèchius eletrònicus, informàticus o de àtera schèscia chi podint influiri apitzus de sa siguresa de is logus concèdius e de su fàbricu intreu o de su chi spàciat s'Enti.
- su responsàbili de sa cuntzessioni est su rapresentanti legali de s'assòtziu Salvo d'Acquisto chi at a arraspundi de ònnia dannu chi pertocat s'imperu de su logu concèdiu.

Stimada s'oportunadadi de protzedi.

Cunfirmau ca custa proposta arrapresentat feti unu àutu de indiritzu e non tenit consequèntzias po sa situatzioni econòmica de s'Enti, duncas si fait a mancu de is parris chi pertocant sa fatibildadi tènnica e contàbili de is Responsàbilis de is Servìtzius segundu s'art. 49 del d.lgs. n. 267/2000.

Cun votatzioni cuncòrdia

DELIBERAT

De aprovai in totu sa premissa.

De allonghiai sa cuntzessioni a s'Assòtziu "Salvo d'Acquisto", ASD- no profit APS, scritta a s'albu regionali cun n. SAR00088, cun sea in via P. S. Sanna n. 2 a Santa Justa, de unu aposentu e de is servìtzius aunius, chi s'agatant a su pianu bàsciu de sa sea de s'Unioni, de destinai a sea operativa de sa Divisione Soccorso de su matessi assòtziu, a indonu e po àterus tres mesis de su 04.08.2020 a su 03.11.2020.

De stabiliri ca:

- essendi una cuntzessionu temporànea is ispesas de is impitus abarrant a càrrigu de s'Unioni, mentras is ispesas de limpiadura sunt a càrrigu de s'assòtziu;
 - su cuntzessionàriu est responsàbili de su càstiu de is localis e de su mantenimentu de is ispàtziu e de sa mobillia in cunditionis limpias e seguras;
 - is localis podint èssiri imperaus feti po is punnas prevididas in su statutu de sa Divisione Soccorso de s'assòtziu Salvo d'Acquisto e dae is sòtziu o collaboradoris suos, est proibida s'intrada e stràngiu o personas no autorizadas;
 - s'assòtziu depit comunicai ònnia modifica de is ispàtziu e si atacat aparèchius eletrònicus, informàticus o de àtera schèscia chi podint influiri apitzus de sa siguresa de is logus concèdiu e de su fàbricu intreu o de su chi spàciat s'Enti.
 - su responsàbili de sa cuntzessionu est su rapresentanti legali de s'assòtziu Salvo d'Acquisto chi at a arraspundi de ònnia dannu chi pertocat s'imperu de su logu concèdiu
- Sa cunsìnnia de is localis non netzessitat de àterus cumprimentus.

Cun votazioni cuncòrdia **DELIBERAT de decrarai custa delibera** fatibili luegu comentu in s'art. 134 del D.Lgs. 18.8.2000 n°267.